

სსიპ - ბათუმის ხელოვნების სასწავლო უნივერსიტეტი

აიპ - თანამედროვე ხელოვნების სივრცე

ურთიერთთანამშრომლობის მემორანდუმი

პრეამბულა

ქ. ბათუმი

17 მაისი, 2017 წელი

უმაღლესი სახელოვნებო განათლების სფეროში მიმდინარე რეფორმების ძირითადი პრინციპების, სწავლებისა და შემოქმედების ინტეგრირების, ერთობლივი სანახაობითი ღონისძიებების განხორციელების მიზნით სსიპ - ბათუმის ხელოვნების სასწავლო უნივერსიტეტი და აიპ - თანამედროვე ხელოვნების სივრცე თანხმდებიან ურთიერთთანამშრომლობაზე.

ურთიერთთანამშრომლობა ხელს შეუწყობს:

- შემოქმედებითი მუშაობისა და აკადემიური განათლებისათვის აუცილებელი მატერიალურ-ტექნიკური რესურსების ეფექტურად გამოყენებას;
- თეორიული და საშემსრულებლო მიმართულების სპეციალისტთა მიერ მასტერკლასების, საჯარო ლექციების და სხვა სასწავლო-შემოქმედებითი მუშაობის ჩატარებას;
- სტუდენტთა პროფესიული პრაქტიკისათვის ხელშეწყობას;
- ცალკეულ მიმართულების საგანმანათლებლო პროგრამების მომზადებაში თანამშრომლობასა და კონსულტაციების გაწევას;
- ერთობლივი შემოქმედებითი პროექტების შემუშავებასა და განხორციელებას.

მუხლი 1

- 1.1. მხარეები აწარმოებენ შეთანხმებულ პოლიტიკას კვლევისა და განათლებისათვის აუცილებელი რესურსების მოზიდვისა და სასწავლო-შემოქმედებითი სამუშაოების დაგეგმვისათვის ორმხრივი ინტერესების შესაბამისად.
- 1.2. თითოეული მხარის მნიშვნელოვან მატერიალურ-ტექნიკურ რესურებს პროფესორები, მასწავლებლები და სამეცნიერო კვლევითი და სასწავლო შემოქმედებითი პროექტებში ჩართული სტუდენტები გამოიყენებენ ურთიერთშეთანხმებით.
- 1.3. მხარეები გაუწევენ ერთმანეთს კონსულტაციებს და განახორციელებენ ერთობლივ სასწავლო-შემოქმედებით პროექტებს.
- 1.4. მხარეები მონაწილეობას მიიღებენ ერთობლივი პროექტების შემუშავებაში (ინფორმაციის გაცვლა, გავრცელება და სხვა).
- 1.5. განახორციელებენ ერთობლივ სახელოვნებო-შემეცნებით სემინარებს, კონფერენციებს, ფესტივალებს, გამოფენებს, საკონცერტო წარმოდგენებსა და სხვა პროექტებს.
- 1.6. აიპ - თანამედროვე ხელოვნების სივრცე საკუთარი კომპეტენციების ფარგლებში ხელს შეუწყობს სტუდენტების პრაქტიკის გავლას და კურსდამთავრებულთა სტაჟირებას. ასევე მოხალისე სტუდენტების ჩართვას ყოველწლიურ საერთაშორისო ფოტოფესტივალში „ოდესა-ბათუმი ფოტო დღეები“
- 1.7. მხარეთა შეთანხმების საფუძველზე, ყოველწლიურად თანამედროვე ხელოვნების სივრცე უნივერსიტეტის კურსდამთავრებულთა სადიპლომო ნამუშევრების გამოფენა/ჩვენებას გაუწევს ორგანიზებას
- 1.8. ბათუმის ხელოვნების სასწავლო უნივერსიტეტის სტუდენტები თანამედროვე ხელოვნების სივრცესთან არსებულ კაფე „კონტე“-ში ისარგებლებენ - 10%-იანი ფასდაკლებით, სტუდენტის მოწმობის წარმოდგენის შემთხვევაში.

მუხლი 2

- 2.1. წინამდებარე შეთანხმებაში თითოეულ მხარეს შეუძლია ცვლილებებისა და დამატებების შეთავაზება ურთიერთშეთანხმების საფუძველზე.
- 2.2. მხარეთა შორის ურთიერთობათა სპეციფიკა, რომელიც არაა განსაზღვრული მემორანდუმში, რეგულირდება ორმხრივი შეთანხმებით.
- 2.3. მხარეები აძლევენ ერთმანეთს გარანტიას, რომ ისინი უპირობოდ, სრულად და კეთილსინდისიერად შეასრულებენ წინამდებარე ხელშეკრულებით გათვალისწინებულ ყველა პირობას.

მუხლი 3

- 3.1. წინამდებარე მემორანდუმის შესრულებასთან დაკავშირებული სადავო საკითხები გადაიჭრება კონსულტაციების და მოლაპარაკების გზით.
- 3.2. ეს მემორანდუმი ძალაში შედის მხარეთა მიერ მისი ხელმოწერის დღიდან და მოქმედებს მხარეთა მიერ რაიმე სხვა გადაწყვეტილების მიღებამდე.
- 3.3. ურთიერთთანამშრომლობის მემორანდუმი შედგენილია თანაბარი იურიდიული ძალის მქონე ორ ეგზემპლარად, რომელთა თითო პირები გადაეცემა მხარეებს.

სსიპ - ბათუმის ხელოვნების
სასწავლო უნივერსიტეტის
რექტორი, პროფესორი

 ე. მესხია

საქართველო, ბათუმი,
ლუკა ასათიანის ქ. № 37
ტ. +995(422) 27-86-67; +995(422) 27-98-95;
ელ. ფოსტა: info@batu.edu.ge
ვებ.გვ. batu.edu.ge

აიპ - თანამედროვე ხელოვნების
სივრცის დირექტორი

 ა. მნელაძე

საქართველო, ბათუმი
ზ. გამსახურდიას ქ. № 1/5
ტელ: + 995 593 60-45-95
ელ. ფოსტა: casbatumi@gmail.com
ვებ.გვ. www.casbatumi.ge